

L'ESSOR

FASO KUMAKAN

SIBIRIDON, MARISI KALO TILE 9, SAN 1985



Peresidan Musa TARAWELE ka taama kayi mara sèkisònw kònò

Peresidan n'a nòkan jamakulu taara yòrò o yòrò, bisimila walew ni sèkisònw kònòkòw n'u haminankow nyèfòli kò, lajè kèra o yòrò kelen bée kònò, min sen fè, da sera Mali jamana yiriwalikow n'a nyètaakow ma, ani Afiriki ni òinyè yòrò wèrè tów kunkow ma, sira bée kan, sanko gèlèya waati in na.

O siratigè la, Peresidan Musa TARAWELE yèrè ye kuma ta, a yòrò kelen-kelen bée kònò, ka mógòw ka nyininkaliw jaabi, ka tila ka Mali

Pariti n'a gofèrenama haminankow fò, k'u gèlèya.

Nyògòn kunnafoni lajè minnu sen fè, Peresidan da sera ja n'a masibaw kèlècogòw ma, ani balodèsekò ni faranyògònkan walew, minnu ka kan ka daminè dugutòn na, min nafa donnen bè farafinna, kabini lawale la.

A yòrò bée kònò, yèrèdèmekò fòra k'a gèlèya cogo bée la, bawo, Mali nyèmogòw

y'a jira bée la, ko mógò si kelen, jamana si kelen, wali jèkulu si kelen, tè na Mali baara, fasonenw sago la, u yèrèw nòna; ko kòkandèmè ye wale dafalan de ye, min jujòn sigibagaw ye Malidenw yèrèw de ye.

A kèra cogo o cogo, nin taama in n'a nyògònaw ye pariti sariya gèlèn dò de ye, minnu labènkun tè dówèrè ye nyògòn-sirataama kò, jamana ka nyètaa kòsòn, nyètaa min sababu fòlò ye cèsiri ye, yèrèdòn hukumu kònò.

Min ye sèkisòn galabu kènèw sugandili ye, min taama in sen fè, Pariti Sekeretèri zenerali, Peresidan Musa TARAWELE y'a jira ko Nyoro de ye sèkisòn fòlò ye Kayi mara sèkisònw bée la.

"UDPM" nyèmogò fòlò ye Nyoro sugandili sababu kè, Nyorokaw ka cèsiri ye, pariti sariya labatoli fè, sira bée kan, sanko faranyògònkan, ka gèlèya barika nyòni, ka segin kò.

Mali depiteso ka lajè balalen

Ntènèndon, rewuruye kalo tile 25, san 1985, Mali depite jèkulu ka san 1985 lajè balalen fòlò y'a ka baaraw daminè Madi SANGARE ka nyèmogòya kònò, n'o ye an ka jamanadenw ka mógò yamaruyalenw ka jèkuluba kuntigi ye.

Tònsigi in dayèlè kènè kan, Pariti "UDPM" kow latèmè jèkulu mógòw tun bè yen, ani minisiriw ni depitew bée lajèlen.

Sanni baaraw ka daminè, Madi SANGARE y'a nyini jama fè u ka u hakili da furew kan miniti kelen nyògòn kònò, minnu ni tora awiyòn kasaara sen fè Tumutu Jumadon, fewuruye kalo tile 22, san 1985. O kò, a ye dugawudon kè ka nyèsin banbagatòw n'u somogòw ma: Ala k'u dayòrò suma! Ala ma yaafa kèr'u ma! Ala k'u kò suma! k'u nyè suma! k'u sara kè Alijinè ye!

O tèmènnen kò, depitew nyèmogò Madi SANGARE ye fòli ni tamuli kè politiki nyèmogòw ye, minnu m'u tò to jama kunnafonni baaraw la, minnu ma sègèn kumanyògònya ni nyògònfaamuya walew la u ni militanw cè, komitew ni susèkisònw

ni sèkisònw ni kominiw kònò.

Madi SANGARE seginna ja n'a masibakow kan ani sòròko gèlèya min bè òinyè jamana bée kònò, ni tègèfa b'anw ta kan, Ala ni ja basigili, sababba la a san 10 ni kò filè nin ye Mali kònò. A k'o gèlèyaw bèna an waji-biya nyinan san 1985 kònò tuguni, k'an ka politiki ni hadama-dènya walew bée bèrè bèn an ka sòrò ma; bawo bamanahw b'a fòkò "mógò wolo tè yòrò min lasòrò, n'i k'i b'a sama ka se yen, a bè fara" O kòrò tè dò wèrè ye ko jamana musakaw tènà tèmè jamana sòrò kan; wa bée lajèlen k'i sigi n'o ye fana.


Depiteso kuntigi ye pariti ni gofèrenama fo u ka cèsiri la ka jamanadenw kisi jagokèla juguw tóorò ma, faso ni balima wèrèw tè minnu na, nafolo sòròko juguya kò, hali n'o bè sòrò u badenw su kan, janko olu k'u ka jigigitigè tònòw sòrò.

Hakililajigin siratigè la, sariya 10 de kunkun n'u nyènyèn tòmòna depitew fè u ka lajèba balalen in na, nisóngò ni saalenkow tun bè minnu cèma, n'an hakili la, o waleyali bèna jama jigi fa.

K'a ta san 1985 fewuruye kalo tile 27 la, k'a bila marisi kalo tile 7 la, Mali pariti "UDPM" n'a jamana fangaso kuntigi, Peresidan Musa TARAWELE ni jamana nyèmogò caman ye nyògòn-sirataama dè kè Kayi mara Sèkisònw kònò.

A sinyè fila de ye nin ye, nyinan san 1985 kònò, Peresidan ka wuli, ka Mali mara sèkisònw sirataama. A fòlò, o kèra Sikaso mara sèkisònw kònò, zanwuye kalo dógòkun laban ni fewuruye kalo dógòkun fòlò kònò.

Kayi mara taama in sen fè, Mali jamana fangaso n'a nòkan mógòw taara Kita; Manantali; Bafulabe; Kenyèba; Kayi; Yelimane Jema ani Nyoro.



Mali fiyentòw lafasali dógòkun



A san 10 de ye nyinan san 1985 ye, san o san, dógòkun kelen bè kè Mali fiyentòw demèli walew la, min kónò, gintan suguya bèè bè labèn. I n'a fò san tów

A kènè kan, fiyentòw ka bololabaara-fènw jirala mógów la, k'a jira k'olu bilali baaraw la, o kun tè dówèrè, u degeli kò, u yèrèw demèli la; ko n'u bo-

nyèntan, bée damakan jamana yiriwali n'a ka nyètaa walew kèli la.

O de kòsón, bée ka kan, k'i janto fiyentòw ka baara jèkulu "SOPRAM" fend-



la, nyinan nyènjèw bée nyèmógóya tun bè Mali fangaso furumuso bolo, n'o ye Madamu Mariyamu TARAWELLE, bée bè min dón ni fiyentòw ka denbanyumanya ye.

lónów donna da la, u jójóró bè ye faso baara la.

O siratigè la, nyèmógów y'a jira ko Malidenw bée lajèlen, nyètigi ni

lannenw sankórótali la; k'u mangutun,

a kóró yèrè kama, bawo, bée b'a dón, ko n'olu sera ka baaraw k'u yèrè ye, o bè garibuya ban.

Mali lasigiden kura ka yamaruyasèbèndi Mòsuku

Alamisa, san 1985 fewuruye kalo tile 28 don, Mali lasigiden kura min sigira Mòsuku, Abudulayi Amadu SI, y'a ka yamaruyasèbèn di Iwan POLIYAKOW ma, n'o ye "URSS" fangaso Peresidan dankan ye.

supèrèmu peresidense sekeretèri ani Irisila kòkankow minisiri dankan ani Mali lasigidense baarakèlaw.

A kènè kan, kuma fèn o fèn fòra, olu bée lajèlen sinsina "URSS" ni Mali ka nyógónsirataama ni nyógòndèmè walew de kan, minnu basigira a jamana fila cè,

kabini Mali y'a yèrèta, ka lasigidenyakow sigi ani jamana wèrèw cè.

"U RSS" jamana tógò la, Iwan POLIYAKOW y'a nyini, Mali lasigiden kura, Abudulayi Amadu SI fè, a ka Irisila bée ka foliko nyuman lase Mali jamana fangaso Peresidan ni Malidenw bée ma.

Sèbèndi in kèra "URSS" jamana nyèmógò dów nyèna, i n'a fò Irisila sowiyèti

"AAR" ye Mali demè ni furaw ye

Ntènèndon, fewuruye kalo tile II, san 1985, Mali faramansiba min bè furaw tila jamana dógótóròsow ni nyógón cè, n'ale de fana nyèsinnen don farafin-furakow ma, furadi dó kèra o ciyakèda la, zapón kènyèrèye jèkulu dó fè, min ka kèwalew bilalen tè gofèrenama ka hukumu kónò.

Zapón demèkè jèkulu "AAR" ye fura kilò 300 nyi Mali la, min nafolo kasabi ye "CFA" wari 450.000 ye, a k'u lase jamana maraw kónò, ja n'a masibaw kèlen don ka minnu kónò mógów degun kosèbè.

Nin y'a sinyè fòlò ye zapón kènyèrèye jèkulu "AAR" ka demè

lase Malidenw ma. O siratigè la, u ka jèkulu nyèmógów y'a jira k'u ka baara daminè la, a tun nyèsinnen don Endoshini jamana mógó bolilenw de ma; nka ja basigili Afiriki jamana caman kónò, o kèra sababu ye, u k'u bolo mógów bó Afiriki saheli jamana 4 nó fè ka fara a kórònyanfan jamana 6 kan.

Mali jamana kènèya sabatili walew ciyakèda kuntigi Gawusu TARAWELLE kètò ka fura ninnu minè a ka minisiri tógò la, a y'a jira ko fura ninnu nana a natuma la; o kò, a ye Malidenw bée lajèlen ka foli, tamuli ani walenyumandón lase an demèbaga nyumanw ma.

Mali ni "USA" ka jèkabaara

Arabadon, fewuruye kalo tile 27, san 1985, lajè dó kèra Mali ciyakèda la, min ka baara nyèsinnen don an ni jamana wèrèw cèsiraw ma, jèkabaara ni nyógòndèmèko la, yen bolonò bilala bèn-kansèbèn dó la Mali

ni "USA" gofèrenamaw ni nyógón cè, min kun ye dó farali ye amerikenw ka demè nafolo kasabi kan an ka jamana ka bònógòla sira kan.

Dófarakan min nafolo hakè ye "CFA" wari miliyón 86 ni tila ye, a bèna nyèsin cikèlakòlidenw labènni de ma.

N'an ye "USA" ka demè hakè jatèminè, an b'a ye ko jamana in ka demèkè jèkuluba "US-AID" ye nafolo min nkaniya

Mali sorokow bilali la sira nyumanw kan, min nkaniya Mali sòròkow bilali la sira nyumanw kan, k'a ka sòrów sabati, o wari kasabi bè se "CFA" wari miliyón 2 ni kò ma.

Bènkansèbèn kura in bè amerikenw yamaruya ka u bolo don Malidenw bolo, Samè ani Samanko ni Npesoba cikèlakòlidenw labènni konyuman na, walasa u ka faamuyabaw sòrò u ka baara siratigè la.

Mali ciyakèda kòfòlen min, lajè kèra yen, o kuntigi Maki KOREYISI Agibu TALI ni Ameriki demèkè jèkulu "US-AID" kuntigi Dawidi WILLSON y'a bolonò bila bènkansèbèn in na u masurunya baarakènyógónw nyè na.